

Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SVMMO PON=||TIFICE,|| QVINQVE LIRBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

III. Papam non esse Dominum totius orbis Christiani.

[urn:nbn:de:hbz:466:1-53860](https://nbn-resolving.de/urn:nbn:de:hbz:466:1-53860)

CAPVT III.

Papam non esse Dominum totius orbis Christiani.

A M verò, quod secundo loco propositum fuit, non esse Papam Dominum totius orbis Christiani, docet Hugo de S. Victore lib. 2. de Sacramentis par. 2. cap. 4. Terrena, inquit, potestas caput habet Regem, spiritualis potestas habet summum Pontificem. & clarius Ioannes Driedo lib. 2. de libertate Christiana, cap. 2. Christus, inquit, cum præfecit Petrum vniuersali Ecclesiæ Pastorem, non simul dedit illi Imperium temporale super vniuersam Ecclesiam, neque enim abstulit Imperatoribus & Regibus sua regna, neque item voluit, ut omnis potestas regalis, proinde ac Ecclesiastica beat deriuari, & descendere ex potestate Petri. Eadem est aliorum multorum sententia, & probatur PRIMVM, quia si res ita se haberet, & quidem iure diuino, ut volunt, deberet id constare ex Scripturis, aut certè ex Apostolorum traditione. Ex Scripturis nihil habemus, nisi datas Pontifici claves regni cœlorum. de clauibus regni terrarum nulla mentio fit. traditionem Apostolicam nullam aduersarij proferunt. PRAETEREA, Christus non abstulit, neque aufert regna iis quorum erant; nam Christus non venit destruere ea quæ bene se habebant, sed perficere, ergo quando Rex fit Christianus, non perdit regnum terrenum, quod iure obtinebat, sed acquirit nouum ius ad regnum eternum. Alioqui obesset Regibus Christi beneficium, & gratia naturam destrueret. Et confirmatur ex hymno SEDVLII, quem tota Ecclesia publicè canit:

*Hostis Herodes impie
Christum venire quid times?
Non eripit mortalia,
Qui regna dat cœlestia.*

ITEM si Papa est Dominus totius orbis Christiani supremus, ergo singuli Episcopi sunt principes temporales in oppidissimo Episcopatu subiectis. siquidem id quod est Papa in Ecclesia vniuersa, est quilibet Episcopus in particulari. At Episcopos esse dominos urbium, quarum sunt Episcopi, nec aduersarij

uersarij concedunt, & est apertè falsum. Vnde AMBROSIUS in oratione de tradendis basilicis: *Si tributum, inquit, est
Imperator, non negatur, agri Ecclesia & solvant tributum. In
fra: Tributum Caesaris est: non negatur: Ecclesia Deo, Caesari
& tique non debet addici.* Et in epistol. Athanasij ad milianam vitam agentes. *H o s i v s Episcopus ait Imperator: Tu
Deus imperium, nobis autem ea quæ sunt Ecclesie Confia
commisit.*

D E N I Q V E probatur ex confessione Pontificum. I. epistola 38. ad Martianum, fatetur Imperatorem Martiam Deo ad imperium esse electum, & epist. 43. ad eundem, fuit auctorem imperij Martiani Deum esse. Et similia in omnibus fere epistolis ad Theodosium, Martianum, & Leonem. Huius uicem succedentes Imperatores scribit. GELASIVS in epist. ad Anastasium Imperatorem, quæ habetur etiam in decreto dist. 96. can. duo sunt: *Duo sunt, inquit, Imperator Anglorum,
quibus principaliter mundus hic regitur, auctoritas pontificum, & regalis potestas, &c.* Vbi notandum est, Gelasius non loqui solum de exequitione, sed de ipsa potestate & auctoritate, ne dicant aduersarij (vt solent) Papam quidem habere utramque potestatem, sed exequitionem aliquid demandare.

GREGORIVS lib. 2. epist. 61. ad Mauricium: *Pecunia, in
quit, super omnes homines dominorum meorum pecunia cul-
tus data est.* Et clarissimè NICOLAUS in epist. ad Michaellem: *Nolite præiudicium Dei Ecclesia irrogare.* Illaque nullum imperio vestro præiudicium infert. Et infra: *Iudicium
magistrorum Dei & hominum homo Christus IESVS sic ait in pro-
priis, & dignitatibus distinctis officia potestatis servis que-
scerunt, ut & Christiani Imperatores pro aeterna vita Pontifi-
cibus indigerent, & Pontifices pro cursu temporalium tam
modo rerum imperialibus legibus & terentur.* Hic etiam Pontifex non de sola exequitione, sed de potestate & dignitate loquitur. Et etiamsi de sola exequitione loqueretur, id nobis sufficeret. Nam quidquid Imperatores habent, dicit NICOLAUS, à Christo eos habere. Peto igitur, vel potest summus Pontifex auferre à Regibus & Imperatoribus hanc exequitionem tanquam summus ipse Rex & Imperator, aut non potest si potest, ergo est maior Christo: si non potest, ergo non habet verè potestatem regiam.

Præterea ALEXANDER III. cap. Si duobus, &c. denique, extra de appellationibus, rogatus an appellatio à iudice seculari ad Papam teneat, respondet: *Tenet quidem in his, qui sunt nostra temporali iurisdictioni subiecti: in aliis vero secundum iuris rigorem credimus non tenere.* Item cap. Causam 2. extra qui filii sint legitimi: *Nos attendentes, inquit, quod ad Regem pertinet, non ad Ecclesiam de talibus possessionibus indica- re, &c.*

Denique INNOCENTIVS III. cap. Nouit, de Iudic. Cùm, inquit, iurisdictionem propriam non sufficiamus explere, cur alienam usurpare vellemus? Vbi Pontifex usurpationem alienæ iurisdictionis appellat, si temporalem iurisdictionem in Regna Francorū tentaret assumere. Et infra, non intendimus iudicare de feudo, cuius ad ipsum spectat iudicium, sed decernere de peccato, cuius ad nos pertinet sine dubitatione censura. Idem cap. Solitæ, extra de maioritate, & obedientia: *Ad firmamentum, inquit, cœli, hoc est, & universalis Ecclesia, fecit Deus duo luminaria magna, id est, duas instituit dignitates, qua sunt pontificalis auctoritas, & regalis potestas; sed illa, qua præest diebus, id est, spiritualibus, maiore est, qua & verò carnalibus, minor, & quanta est inter solem, & lunam, tan- tainter Pontifices, & Reges differentia cognoscatur, &c.* Vbi nota, quemadmodum non est idem sydus Sol & Luna, & sicut Lunam non instituit Sol, sed Deus, ita quoque non esse idem, pontificatum & imperium, nec unum ab alio absolute pendere. Idem, cap. Per venerabilem, extra qui filii sint legitimi, dicit, Pontificem solum in patrimonio Ecclesiæ plenam habere in temporalibus potestatem: in aliis verò regionibus non item. & ibi: *Cum Rex, inquit, superiorem in temporalibus minimè recognoscat, sine iuris alterius lessone in eo se iurisdictioni nostra subiicere potuit, in quo videretur aliquibus, quod per seipsum (non tanquam pater cum filiis, sed tanquam princeps cum subditis) potuit dispensare. Tu autem nosceris alii subiaceere, & unde sine ipso forsan iniuria, nisi præstarent nobis assensum, in hoc subdere, te non posses.*



CAPVT